



## **Aningaasaqarnermut Nunamullu Namminermt Naalackersuisoq**

**Dato:** 17. oktober 2014  
**J.nr.:** 01.31.06/14-00678

### **Aningaasaqarnermut Akileraartarnermullu Ataatsimiititaliap tallimangornermi ulloq 17. oktober 2014-imi aalajangiineranik Naalackersuisunut ilisimatitsineq**

#### **Kiffartuussinermik isumaqatigiissutit akuerineqarnissaat. (Sag nr. 01.31.06/14-00678).**

Naalackersuisut **inassutigaaat**,

- Kalaallit Nunaanni ilaasunik, nassiussanik allakkanillu assartuussineq pillugu kiffartuunneqarnissamut isumaqatigiissutit atuuttut kontup pingaarnerup 35.01.05-ip ataani ukiumik ataatsimik sivitsornissaannut Naalackersuisut Peqqissutsimut Attaveqarnermullu Naalackersuisoqarfik piginnaatissagaat.”

#### **Aningaasaqarnermut Akileraartarnermullu Ataatsimiititaliap oqaaseqaatai**

Kiffartuussinissamik isumaqatigiissutit atuuttut ukiumik ataatsimik sivitsorneqarnissaannik Naalackersuisut qinnuteqaataat ataatsimiititaliap iluarisimaarlugu tiguaa nuannaarutigalugulu ataatsimiititaliap kissaatai Naalackersuisunit malinneqarsimmamata.

Naalackersuisut aallarniutitut oqaaseqaataat una ataatsimiititaliamit maluginiarneqarpoq: ”Naalackersuisut ulloq 18. september 2014 ataatsimiinnerminni nunatsinni ilaasunik, allakkanik nassiussanillu assartuussisarneq pillugu kiffartuunneqarnissamut isumaqatigiissutinut nutaanut siunnersuut akueraat.

Tamatuma kingorna Aningaasaqarnermut Akileraartarnermullu Ataatsimiititaliap siunnersuut akuersissuteqarfigisussaagaluarpaa. Qinersinissamik nalunaaruteqarneq pissutigalugu Inatsisartut Aningaasaqarnermut Akileraartarnermullu Ataatsimiititaliaata Naalackersuisut kiffartuunneqarnissamut isumaqatigiissutinut siunnersuutaat akuersissuteqarfigisinnaasimangilaa, naak Inatsisartut 2015-imut aningaasaliissutinut inatsimmi, qinersinissamik nalunaarutiginnittoqaraluartoq, suliap matuma suliarineqarnerata inaarsarneqarnissaanut immikkut inatsisitigut tunngavissaliisoqaraluartoq.”

Aningaasaliissutinut inatsisaagallartumik aammalu kiffartuussinissamut isumaqatigiissuteqarnissat pillugit Naalackersuisunut piginnaatitsissummik imalimmik Inatsisartut akuersisutigininnerat ilumoorpoq. Inatsimmi tassanerpiaq piumasaaqatitut aalajangersarneqarpoq kiffartuussinissamik isumaqatigiissuteqannginnermi taakku Aningaasaqarnermut Akileraartarnermullu Ataatsimiititaliamit akuersissutigineqassasut.

Taamatut akisussaaqataaneq ataatsimiititaliamit soorunami pimoorunneqarpoq suliarlu – suliat ataatsimiititaliamut innersuunneqartut allat assigalugit – akueriinnarnagu misissorluqaarluguli kiisalu erseqqissumik isummersorluni suliarineqarluni. Suliassat nassiunneqartut ataatsimiititaliamit akueriinnarnagit misissorneqaqqaartarnerat inatsisartoqarnermi suleqatigiinnerup ataatsimiititaliamit pimoorunneqarneranik ersersitsivoq. Taamaalillunilu pissutsit taamaatsillugit suliame isummernini ataatsimiititaliap isumaqatigiittup aalajangiuisimavaa.

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput**.

Ataatsimiititaliap sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap siulittaasua t